




左  
氏  
十六

信  
二十五年  
玉二十六

服部文庫  
117  
207  
9





春秋左傳註疏卷第十六

僖二十五年  
盡二十八年

晉杜木氏註

唐孔穎達疏

經二十有五年春王正月丙午衛侯燬滅邢

姬姓惡其親親相滅故稱名罪之

邢至罪之○正義曰曲禮曰諸侯不生名滅同姓名

傳云同姓也故名然則諸侯位貴居尊故不斥其名

書名則是罪絕之事故云罪之也

夏四月癸酉衛侯燬卒

無傳五同盟

元年即位四年盟于召陵五年于首止八年于洮九年于葵丘十五年于牡丘皆魯衛俱在是五同盟也

春秋左傳

卷之六十一

及左傳





宋蕩伯姬來逆婦

**國**

無傳伯姬魯女為宋大夫蕩氏妻

也自為其子來逆稱婦姑存之辭婦人越竟迎婦非

禮故書

○為于偽反越竟音境

**國**

伯姬至故書○正義曰伯姬魯女而以宋蕩冠之知為

宋大夫蕩氏妻也婦者對姑之文姑即伯姬故知自為子來逆婦公羊傳曰宋蕩伯姬者何蕩氏之母也其稱婦何有姑之辭也穀梁傳曰婦人既嫁不踰竟是婦人越竟逆婦非禮也以非禮故書之紀裂繻來逆女此云逆婦者姑自來逆故即稱婦也宋有蕩氏者宋桓公生公子蕩蕩生公孫壽壽生蕩意諸意諸之後以蕩為氏則此人

宋殺其大夫

**國**

無傳其事則未聞於例為大夫無罪故

不稱名

明

秋楚人圍陳納頓子于頓

**國**

頓迫於陳而出奔楚故楚

圍陳以納頓子不言遂時一事也子玉稱人從告頓

子不言歸與師見納故

**國**

頓迫至納故○正義曰

於陳而出奔也楚人納之知其出奔楚也公羊傳曰何以不言遂兩之也一舉兵而行此兩意非因前生後故不言遂明此圍陳納頓子正是一事釋例曰傳稱諸侯納之曰歸今經諸稱納者皆有與師見納之事不待例而自明故但言納不復言歸納取須兩見故云頓子不言歸與師見納故

葬衛文公

**國**

無傳

冬十有二月癸亥公會衛子莒慶盟于洮

**國**

洮魯地衛

文公既葬成公不稱爵者逮父之志降名從未成君



故書子以善之莒慶不稱氏未賜族。○泚吐

賜族。○正義曰八年盟于泚杜云曹地三十一年魯始得曹田此時不得為魯地註誤耳禮先君既葬則

嗣子成君此文公既葬成公不稱爵者釋例曰文公欲平莒於魯未終而薨故衛子尋父之志魯人由此亦修文公之好此孝子之至感而人情之所篤故成

公雖已免喪至於此盟會降以在喪自名猶武王伐紂稱天子發故經隨而書子傳從而釋之曰修文公之好也是說書子善之事

傳二十五年春衛人伐邢二禮從國子巡城掖以赴

外殺之。○掖以赴外。○正義曰說文云掖持臂也謂執持其臂投之城外也掖本持臂之名遂

謂臂下脅上為掖是正月丙午衛侯燬滅邢同姓也

故名禮至為銘曰余掖殺國子莫余敢止。○惡其不

知恥詐以滅同姓而反銘功於器。○掖音亦說文云以手持人臂曰掖

惡鳥路反○秦伯師于河上將納王狐偃言於晉侯曰求

諸侯莫如勤王。○勤納王也諸侯信之且大義也繼

文之業。○繼文之業。○正義曰言欲繼文侯之功業而使信義宣布於諸侯今日納王是為可

矣而信宣於諸侯今為可矣。○晉文侯仇為平王侯

伯也輔周室。○仇音求使卜偃卜之曰吉遇黃帝戰于阪

泉之兆。○黃帝與神農之後姜氏戰于阪泉之野勝

之今得其兆故以為吉。○黃帝至為告。○正義曰大戴禮五帝德曰黃帝與

赤帝戰于阪泉之野晉語云晉少典娶於有蟠氏生黃帝炎帝黃帝為姬炎帝為姜二帝用師以相濟也



韋昭註云濟當為擠擠滅也史記稱黃帝伐炎帝之後于阪泉之野炎帝即神農也黃帝將戰卜得吉兆今卜復得彼兆故以為吉也

公曰吾不堪也

文公自以為已當此兆故曰不堪對曰周禮未改今之王古之帝也

言周德雖衰其命未改今之周王自當帝兆不謂晉公曰筮之筮之遇大有

大有九三變而為睽曰吉遇公用享于天子之卦

大有九三爻辭也三為三公而得位變而為兌兌為說得位而說故能為王所宴饗戰克而王饗

正義曰卜遇黃帝吉兆是戰克也筮得大有是王饗也

吉孰

大焉

言卜筮協吉且是卦也

方更總言二卦之義不繫於一爻天為澤以當日天子降心以逆公不亦可乎

乾為天兌為澤乾變為兌而上當離離為日日之在天垂曜在澤天子在上說心在下是降心逆公之象大有去睽而復亦其所也

言去睽卦還論大有亦有天子降心之象乾尊離卑降尊下卑亦其義也

下退嫁反晉侯辭秦師而下

辭讓秦師使還順流故曰下三月甲辰次于陽樊右師圍溫

大叔在溫故左師逆王

夏四月丁巳王入于王城取大



勸一作歡

久

啓

叔于溫殺之于隰城。戊午，晉侯朝王。王饗醴，命之宥。

**既**行饗禮而設醴酒，又加之以幣帛，以助勸也。宥

助也。○隰音習，禮宥音又。**請**遂，弗許。**闕**地，通路曰隧。王之

葬禮也。諸侯皆縣柩而下。○隧音遂，今之延道闕其

**闕**地，至而下。○正義曰：隱元年傳曰：闕地及泉，

大尤須謹慎，去曠遠而闕地，通路曰隧也。天子之葬，棺重禮

之諸侯以下，棺輕禮小，臨壙上而直縣下之，故隧為

王之葬禮。諸侯皆縣柩而下，故不得曰王章也。**王章**，

用隧。晉侯請隧者，欲請以王禮葬也。顯王者與諸侯異，未有代德而有二王，亦叔父之所

惡也。與之陽樊，溫原，攢茅之田。晉於是始起南陽。

在晉山南河北，故曰南陽。○惡鳥路反，攢才官反。陽樊不服，圍

之。蒼葛呼曰：蒼葛樊，陽人。○呼喚故反。德以柔中國，刑

以威四夷，宜吾不敢服也。此誰非王之親姻，其俘之

也，乃出其民。○取其土而已，扶反。○秋，秦晉伐都。

**都**本在商密，秦楚界上小國，其後遷於南郡都縣。

都

○都音若，國名字。林云：楚邑，楮斫反。**都**本至都縣。○正義曰：言本

以為本耳，其實此時在商密，後始遷於都縣。國至彼

縣而滅，故彼縣專得都名。當此秦晉伐都之時，國名

為都，所都之邑名商密，楚以申息之師伐商密者，正

謂成都國也。析是都之別邑，戊人居析地，為商密之

援。楚鬬克屈禦寇，以申息之師伐商密。**鬬克**，申公



子儀屈禦寇息公子邊商密都別邑今南鄉丹水縣

戍守也二子屯兵於析以為商密援禦魚呂反屯徒門反援于眷

反秦人過析隍入而係輿人以圍商密昏而傳焉昏

析楚邑一名白羽今南鄉析縣隍隱蔽之處係縛輿

人詐為克析得其囚俘者昏而傳城不欲令商密知

囚非析人過古臥反王音戈析星曆反俗作析隍烏回反係音許輿音餘傳音附註同處昌

慮反令宵坎血加書偽與子儀子邊盟者掘地為

坎以埋盟之餘血加盟書其上掘其勿反又其月反本又作闕其月反

商密人懼曰秦取析矣戍人反矣乃降秦師囚申公

子儀息公子邊以歸商密既降析戍亦敗故得囚

二子降戶江反後除註降名皆同楚令尹子玉追秦師弗及不

復言晉者秦為兵主復扶又反遂圍陳納頓子于頓頓

為頓圍陳為于偽反冬晉侯圍原命三日之糧原不

降命去之謀出謀間也謀音牒間間廁之間曰原將降矣

軍吏曰請待之公曰信國之寶也民之所庇也得原

失信何以庇之所亡滋多退一舍而原降遷原伯貫

于冀伯貫周守原大夫也庇必利反又音祕貫古亂反趙衰為

原大夫狐溱為溫大夫狐溱狐毛之子溱側



衛人平莒于我十二月盟于洮修衛文公之好且及莒平也

**莒**以元年酈之役怨魯衛文公將平之未及而卒成公追成父志降名以行事故曰修文公之

好○好呼報反註○晉侯問原守於寺人勃鞞

鞞披也○守手又反勃步對曰咎趙衰以壺餐從徑

餒而弗食○言其廉且仁不忘君也徑猶行也

從才用反舊如字徑古定反一讀以壺餐從絕

句讀徑為經連下句乖於杜意餒如罪反餓也

其至行也○正義曰杜以徑猶行者以傳文為徑故

釋為行上讀為義劉炫改徑為經謂經歷餓餒下屬

為句輒改其字故使處原○從披言也衰雖有大功

以規杜氏非也

猶簡小善以進之示不遺勞○披普皮反

經二十有六年春王正月己未公會莒子衛甯速盟于

向○向舒亮反向莒地甯速衛大夫莊子也

齊人侵我西鄙公追齊師至鄆弗及公逐齊師遠至

齊地故書之濟北穀城縣西有地名鄆下○鄆本又

反註同一齊人至弗及○正義曰於例將卑師少

音以轉反稱人將卑師眾稱師此來去一也而師

人異文者穀梁傳曰其侵也曰人其追也曰師以公

之弗及大之也此傳無解或如穀梁之言美公能逐

其師若言追大師然變文以美公猶嘉季子之獲而

書莒卒也公追戎于濟西不言所至此言至鄆者美

公遠追能遠至齊地故書之也桓十年齊侯衛侯鄭

伯來戰于郎傳曰不書侵伐我有辭也此齊人侵我

齊地故書之

齊人至弗及

似

奴



討洮向二盟與莒和好我亦無罪而書侵者於時晉文初起諸侯無伯齊侯是桓公之子欲以盟主自居魯不告齊而私為此盟非有正禮可辭齊侯容得侵伐故從本文

夏齊人伐我北鄙

**註**

孝公未入魯竟先使微者伐之竟

音境傳同

衛人伐齊

公子遂如楚乞師

**註**

公子遂魯卿也乞不保得之辭

也而云大夫者大夫是總辭也今定本為魯卿乞則自我之心得否在於彼國乞者執謙之意不保必得之辭釋例曰凡乞者有求過理之辭執謙以偏成其討故雖小國之乞大國大國之乞小國亦皆從不與謀之例臧宣叔卻錡乞師是也然則與謀者彼此合

討同謀共行乞師者取彼之力我獨用之故皆從與謀之例公羊傳曰乞者何卑辭也曷為內外同辭重師也曷為重師師出不正反戰不正勝穀梁亦同其意以為兵凶器戰危事用師必有死傷不可必全得歸本不可謂之假借故皆以乞為名

秋楚人滅夔以夔子歸

**註**

夔楚同姓國今建平秭歸縣

夔有不祀之罪故不譏楚滅同姓

○夔求龜反秭音姊

冬楚人伐宋圍緡公以楚師伐齊取穀

**註**

傳例曰師能

左右之曰以

○緡亡中反

公至自伐齊

**註**

無傳

傳二十六年春王正月公會莒茲平公

**註**

茲平時君

之號莒夷無諡以號為稱

○平普悲反稱尺證反

甯莊子盟于



向尋泲之盟也。泲盟在前年。齊師侵我西鄙。討

是二盟也。夏齊孝公伐我北鄙。衛人伐齊。泲之盟

故也。公使展喜犒師。勞齊師。犒苦報反。勞也。勞力報反。下文同。

勞齊師。正義曰。犒者以酒食餉饋軍師之名也。服虔云。以師枯槁。故饋之飲食。勞苦謂之勞也。魯語

云。使展喜以膏沐犒師。使受命于展禽。柳下惠。柳下惠。魯語。展禽對臧文仲云。獲聞之。是其人。氏展。名獲。字禽。柳下。是其所食之邑。名諡曰惠。列女傳。柳下惠死。門人將諡之。妻曰。夫子之諡。宜為惠乎。門人從以。為惠。莊子云。柳下季者。季是五十字。禽是二十字。齊

侯未入竟。展喜從之。曰。寡君聞君親舉玉趾。將辱於敝邑。使下臣犒執事。言執事不敢斥尊。止足也。齊

侯曰。魯人恐乎。對曰。小人恐矣。君子則否。齊侯曰。室

如縣罄。野無青草。何恃而不恐。如而也。時夏四月。今之二月。野物未成。故言居室而資糧。縣盡在野。則

無蔬食之物。所以當恐。恐立勇反。下及註皆同。縣音玄。註同。罄亦作磬。盡也。如而。至當恐。正義曰。服虔云。言室屋皆發。徹。下云。野無青草。言在野無青草可食。明此在室無資糧。可噉。故改如為而。言居室而資糧。縣盡。劉炫云。如。罄在縣下。無粟帛。炫乃以服義規杜非也。對曰。恃先王之命。魯周公大公。股肱周室。夾輔成王。成王勞之。而賜之盟。曰。世世子孫無相害也。載在盟府。載載書也。大音泰。下及註同。夾古洽反。及古同。

侯曰。魯人恐乎。對曰。小人恐矣。君子則否。齊侯曰。室

如縣罄。野無青草。何恃而不恐。如而也。時夏四月。今之二月。野物未成。故言居室而資糧。縣盡在野。則

無蔬食之物。所以當恐。恐立勇反。下及註皆同。縣音玄。註同。罄亦作磬。盡也。如而。至當恐。正義曰。服虔云。言室屋皆發。徹。下云。野無青草。言在野無青草可食。明此在室無資糧。可噉。故改如為而。言居室而資糧。縣盡。劉炫云。如。罄在縣下。無粟帛。炫乃以服義規杜非也。對曰。恃先王之命。魯周公大公。股肱周室。夾輔成王。成王勞之。而賜之盟。曰。世世子孫無相害也。載在盟府。載載書也。大音泰。下及註同。夾古洽反。及古同。

孫無相害也。載在盟府。載載書也。大音泰。下及註同。夾古洽反。及古同。

載載書也。大音泰。下及註同。夾古洽反。及古同。

大音泰。下及註同。夾古洽反。及古同。

下及註同。夾古洽反。及古同。

及古同。

及古同。



舊音古 大師職之。職主也。大公為大師兼主司盟

之官。桓公是以糾合諸侯而謀其不協。彌縫其闕而

匡救其災。昭舊職也。及君即位。諸侯之盟曰。其率桓

之功。率循也。○縫扶 我做邑用不敢係聚。用此

舊盟。故不聚眾。保守曰。豈其嗣世九年而棄命廢職。

其若先君何。君必不然。恃此以不恐。齊侯乃還。○東

門襄仲。臧文仲如楚乞師。襄仲居東門。故以為氏。

臧文仲為襄仲副使。故不書。○使所 臧孫見子玉而

道之伐齊。宋以其不臣也。言其不臣事周室。可以

此罪責而伐之。○道音導 ○夔子不祀。祝融與鬻熊。祝

融高辛氏之火。正楚之遠祖也。鬻熊。祝融之十二世

孫。夔楚之別封。故亦世紹其祀。○融餘忠 祝融

○正義曰。楚世家云。楚之先出自帝顓頊。高陽高陽

生稱。稱生卷章。卷章生重黎。黎為高辛氏。火正。帝嚳

命曰祝融。帝誅重黎。而以其弟吳回居火正。為祝融

吳回。生陸終。陸終生季連。季連芊姓。楚其後也。其後

中微。或在中國。或在蠻夷。不能紀其世。周文王之時

季連之苗裔曰鬻熊。事文王。曾孫熊繹。成王封於楚

是祝融。鬻熊皆為楚之遠祖也。自祝融至鬻熊。司馬

遷不能紀其世。杜言十二世。不知出何書。故劉炫規

杜云。計其間。出一千二百年。畧而言之。則百年為

一世。計父子為十二世。何以得近千二百年乎。今刪

定知不然者。以其間或兄弟伯叔相及。皆為君。故年

多而世少。或可轉寫誤。劉更無別文。以意而規。杜氏



延于

未為得也楚人讓之對曰我先王熊摯有疾鬼神弗赦而

自竄于夔熊摯楚嫡子有疾不得嗣位故別封為

夔子○摯音至竄七亂反字義曰傳言熊摯有疾

是以失楚明是嫡子有疾不得嗣位楚世家無其事

不知熊摯是何君之適何時封夔按鄭語孔晁註云

熊摯玄孫曰熊摯有疾楚人廢之立其弟熊廷熊摯

自棄於夔子孫有功王命為夔子亦不知何所據也

吾是以失楚又何祀焉廢其常祀而飾辭文過秋

楚成得臣鬬宜申帥師滅夔以夔子歸成得臣令

尹子玉也鬬宜申司馬子西也○宋以其善於晉侯

也重耳之出也宋襄公贈馬二十乘○乘繩證反叛楚

即晉冬楚令尹子玉司馬子西帥師伐宋圍緡公以

楚師伐齊取穀凡師能左右之曰以左右謂進退

在已○左右並如字凡師至曰以正義曰能左右者謂

在已釋例曰凡師能左右之曰以謂求助於諸侯而

專制其用征伐進退帥意而行故變會及之文而曰

以施於匹敵相用者若伯主之命則上行於下非例

所及也吳雖大國順蔡侯之請自將其眾唯蔡侯之

命故亦言以吳子也傳例稱師則諸不言師者皆不

用以為例也以之於言所涉甚多劉賈許穎既守

例為斷又亦不能盡通諸以唯雜取晉人執季孫以

歸劉子單子以王猛居于皇尹氏毛伯以王子朝奔

楚隨示以義數事而已又云諸稱以皆小以上也荆

以蔡侯歸亦非小以大也寘桓公子雍於穀易牙奉之以為魯援

非小以大也

寘桓公子雍於穀易牙奉之以為魯援

寘桓公子雍於穀易牙奉之以為魯援



**國** 雍本與孝公爭立故使居穀以偏齊○寘之豉反

**國** 為二十八年楚子使申叔去穀

張本桓公之子七人為七大夫於楚言孝公不能

撫公族

經二十有七年春杞子來朝

夏六月庚寅齊侯昭卒十九年與魯大夫盟于齊

秋八月乙未葬齊孝公無傳三月而葬速

乙巳公子遂帥師入杞弗地曰入八月無乙巳乙巳

九月六日

冬楚人陳侯蔡侯鄭伯許男圍宋傳言楚子使子玉

去宋經書人者恥不得志以微者告猶序諸侯之上

楚主兵故傳言至兵故○正義曰此年傳云楚

二月公會諸侯盟于宋公為楚子在宋而往會之明

與楚子共盟也明年傳晉侯執曹伯分曹衛之田以

畀宋人其下始云楚子入居于申使子玉去宋由此

而言言楚子初來圍宋必親至宋國使子玉主兵明年

見晉之盛身始去之獨留子玉於宋耳杜以諸侯之

貶不至稱人今言楚人不得為楚子之身也子玉楚

之正卿宜書其名今書曰楚人非子玉也故以恥不

得志以微者告也若然莊二十八年齊人伐衛杜云

齊侯稱人者諱取賂而還以賤者告二十二年宋公

及楚人戰于泓杜云楚告命不以主帥人數故畧稱

人則以彼二解義亦得通但傳有子玉在宋之文故

據子玉解之所以弘通其義也初圍宋在此年冬楚

春火流

卷之六 十二

及左



子入居于申乃是明年三月圍至明年不克始是不  
得志耳非是初圍之時為不得志也杜意當以此為  
明年始來告以今冬圍耳下句即有公會諸侯于宋  
楚未來告而公得往會之者公傳聞即往非待告也  
其書圍宋之事必待專使來告傳聞行言不得書也  
然則成十三年公會諸侯伐秦傳稱戰于麻隧秦師  
敗績而經無戰敗之事杜云時公在師復不須告蓋  
經文闕漏傳文獨存即如彼言公見其事不復須告  
此時公會諸侯于宋即是親見宋圍何以不即書之  
而云待楚告者按檢上下襄十一年公會晉侯云云  
伐鄭傳稱鄭人行成下言晉趙武入盟鄭伯鄭子展  
出盟晉侯杜云二盟不書不告二十五年公會晉侯  
云云于夷儀傳稱伐齊齊人使鬲鉅請成慶封如師  
杜云慶封獨使於晉不通諸侯故不書二十六年傳  
六月公會晉趙武宋向戌鄭良霄曹人于澶淵晉人  
執甯喜以歸杜云歸晉而後告諸侯故經書在秋也  
三事者公雖在會不告不書所言不須告者皆謂公  
親行其事麻隧公親在戰故云不復須告此時公往

與盟不與圍宋故圍宋之事必待告乃書既以微者  
來告猶序諸侯之上者春秋之例會同以國大小為  
序征伐則以主兵在前此序  
諸侯之上由楚主兵故也

十有二月甲戌公會諸  
侯盟于宋

無傳諸侯伐宋公與楚有好而往會之

非後期宋方見圍無嫌於與盟故直以宋地○好呼  
音預○諸侯至宋地。正義曰陳蔡鄭許皆是楚之  
預屬國楚子帥而與之圍宋往年公使公子遂如  
楚乞師始與之通和好魯非楚之屬國圍宋之事公  
不與謀直聞其在宋往會之耳非是楚來召公公自  
往會之非後期也言此者文七年扈之盟為公後期  
不序其國而總曰諸侯此亦總曰諸侯有後期之嫌  
故明之非為後期而總稱諸侯即上圍宋之諸侯也  
一事而再見者前目而後凡常例也圍稱楚人以微  
者告魯此與諸侯盟會必是楚子親之不復別言楚  
子者上已歷序諸侯遂令楚子當楚人之處即從總



文故不復曲序之也。凡盟會以國為地者，必國主與其盟會。此時宋方見圍，無嫌與盟，故直以宋地也。

傳二十七年春，杞桓公來朝，用夷禮。故曰子國杞先

代之後，而迫於東夷，風俗雜壞，言語衣服，有時而夷。

故杞子卒，傳言其夷也。今稱朝者，始於朝禮，終而不

全，異於介葛盧，故唯貶其爵，公卑杞，杞不美也。國杞

用夷禮，故賤之。○共音恭，本亦作恭，下註同。○夏齊孝公卒，有齊

怨。國前年齊再伐魯，不廢喪紀。國不廢喪紀。○正義曰：周禮小司寇掌

喪紀之禁令，庖人掌喪紀之庶羞，樂紀曰：衰麻哭泣，所以節喪紀也。言喪紀者多矣。喪紀者，喪事之綱，諸侯相與，唯有弔贈，故註云：弔贈之數，不有廢也。

禮也。國弔贈之數，不有廢也。

○秋入杞，責無禮也。國責不共也。○責無禮，本或作責禮也。○楚

子將圍宋，使子文治兵於睢。國子文時不為令尹，故

云使治兵，習號令也。睢，楚邑。○睢音圭，反又音圭。終朝而畢，不

戮一人。國終朝，自旦及食時也。子文欲委重於子玉，

故畧其事。○朝如字，註同戮音六。子玉復治兵於蔿。國子玉為

令尹，故薦楚邑。○復扶又反，薦于委反。終日而畢，鞭七人，貫三

人耳。國貫三人耳。○正義曰：耳助句也。國老皆賀子文。國國老皆賀

王制云：有虞氏養國老於上庠，養庶老於下庠。然則國老者，國之卿大夫士之致仕者也。子文飲

之酒。國賀子玉堪其事。○貫音官，又古亂反，飲於鳩反。薦賈尚幼，後



至不賀

為賈伯贏孫叔敖之父幼少也

○贏音盈少詩照反

同子文問之對曰不知所賀子之傳政於子玉曰以

靖國也

子之至國也○正義曰二十三年子玉伐陳城頓而還子文使為令尹叔伯曰子若

國何對曰吾以靖國也夫有大功而為貴仕其人能靖者與有幾子文恐子玉矜功為亂故授令尹冀以靖國家此舉其靖諸內而敗諸外所獲幾何子玉之

前言以非之敗子之舉也舉以敗國將何賀焉子玉剛而無禮不

可以治民過三百乘其不能以入矣

過三至入矣

○正義曰若必不能入前敵矣苟入而賀何後之有

三百乘二萬二千五百人○冬楚子及

○傳直專反幾居豈反乘繩證反下同

諸侯圍宋宋公孫固如晉告急

公孫固宋莊公孫先軫曰報施救患取威定霸於是乎在矣

先軫晉下軍之佐原軫也報宋贈馬之施

○軫之忍反施式氏反註同

先軫至之施○正義曰劉炫云下蒐于被廬先軫始佐下軍此時未為下軍之佐以規杜氏知不然者

以方欲救宋即蒐被廬先軫此語與蒐相近不知未蒐之前先軫身作何官故以蒐後下軍之佐明之然

先軫後年亦為中軍帥不云中軍帥者相去既遠又隔下軍之佐故杜不言之狐偃曰楚始

得曹而新昏於衛若伐曹衛楚必救之則齊宋免矣

前年楚使申叔侯成穀以偏齊於是乎蒐于被廬

晉常以春蒐禮改政令敬其始也被廬晉地

○蒐所求

春秋左傳卷之六十五

及古

侯



反被皮義反廬力居反作三軍閔元年晉獻公作二軍今復

大國之禮謀元帥帥所類中軍帥反註同謀元帥正義曰元

長也謂將帥之長軍行則重者居中故晉以中軍為尊而上軍次之其二軍則上軍為尊故閔元年晉侯

將上軍公趙衰曰郤穀可臣亟聞其言矣說禮樂而

敦詩書詩書義之府也禮樂德之則也德義利之本

也說禮至本也正義曰說謂愛樂之敦謂厚重

上以道禁民為非之謂義詩書義之府藏也禮者謙

卑恭謹行歸於敬樂者欣喜歡娛事合於愛揆度於

內舉措得中之謂德禮樂者德之法則也心說禮樂

志重詩書遵禮樂以布德習詩書以行義有德有義

利民之本也晉語云文公問元帥於趙衰對曰郤穀

可年五十矣守學彌惇夫好先王之法者德義之府

也夫德義生民之本也能敦篤夏書曰賦納以言明

不忘百姓請使郤穀公從之

試以功車服以庸尚書虞夏書也取納以言觀其

志也明試以功考其事也車服以庸報其勞也賦猶

取也庸功也穀本又作穀同胡木反君其試之

夏書至試之正義曰夏書言用臣之法賦取也取

人納用以其言察其言觀其志也分明試用以其功

考其功觀其能也而賜之古人之法如此君其試用之

尚書至功也正義曰此古文虞書益稷之篇漢魏

諸儒不見古文因伏生之謬從堯典至胤征凡二十

篇總名曰虞夏書以與禹對言故傳通謂大禹謨以

下皆為夏書也古本作敷納以言明庶以功敷作賦

庶作試師受不同古字改易耳賦稅者取受之義故

為取也庸功釋詁文舜典云敷奏以言明試以功車

春火充

卷之六十六

及古閣

賦



服以庸文雖畧同此乃使郤穀將中軍郤溱佐之使

狐偃將上軍讓於狐毛而佐之狐毛偃之兄○將子匠

反下將上將皆同溱側巾反命趙衰為卿讓於欒枝先軫欒枝貞子

也欒賔之孫欒魯使欒枝將下軍先軫佐之荀林

父御戎魏犢為右荀林父中行桓子○行戶剛反晉侯

始入而教其民二年欲用之二十四年入子犯曰

民未知義未安其居無義則苟生○正義曰

未知君臣之義不作長久之圖苟且為生以過朝夕是未安其居於是乎出定襄王

**二十五年定襄王以示事君之義入務利民民懷**

**生矣**入務至生矣○正義曰利民之事非止一途晉語說文公為政云棄責薄斂施舍分災救

乏振滯匡困資無輕關易道通賈寬農務穡勸分省用足財利器明德以厚民性皆是利民之事民懷生

者謂有懷義之心不復苟且劉炫云生既厚民皆懷戀居處將用之子犯曰民未

知信未宣其用宣明也未明於見用之信○明於未

見用之信○正義曰信是人之所用若未伐原示信民未明於信是人用故傳云未宣其用云見用者言

信見為人所於是乎伐原以示之信伐原在二十五年

民易資者不求豐焉不詐以求多明徵其辭○重

言信公曰可矣乎子犯曰民未知禮未生其共於是



乎大蒐以示之禮國蒐順少長明貴賤○長丁作執○秩直民聽不惑

秩以正其官國執秩主爵秩之官乙反

而後用之出穀戍釋宋圍國楚子使申叔去穀子玉

去宋一戰而霸國文之教也國為明年戰城濮國文之

○正義曰論語云上好禮則民莫敢不敬上好義則民莫敢不服上好信則民莫敢不用情今晉侯以義信禮教民然後用之是文德之教也明年傳君子謂晉於是役也能以德攻註云以文德教民而後用之謂此

役也

曹衛兩來告

經二十有八年春晉侯侵曹晉侯伐衛國再舉晉侯者

曹衛兩來告

公子買戍衛不卒戍刺之國公子買魯大夫子叢也內

殺大夫皆書刺言用周禮三刺之法示不枉濫也公

實畏晉殺子叢而誣叢以廢戍之罪恐不為遠近所

信故顯書其罪○刺七賜反殺也叢似東反枉紆往反國公子至其

禮言買傳言叢蓋各買字叢或字相似而一謬也周

禮司刺掌三刺之法以贊司寇聽獄訟一刺曰訊羣

臣再刺曰訊羣吏三刺曰訊萬民鄭玄云刺殺也訊

而有罪則殺之訊言也內殺大夫此及成十六年刺

公子偃皆書刺者若云用彼三刺之法言聞臣吏萬

民皆言合殺乃始殺之以示不枉濫也此三刺之法

位在外朝庫門之外臯門之內故小司寇掌外朝之

政三公及州長百姓非面羣臣西面羣吏東面如此

訊之也魯史獨設此名所以異於外也公羊以為內

諱殺大夫謂之刺以為諸侯不得專殺故諱言刺之



其意小與於此公實畏晉殺子叢以說晉言戍衛者叢之所為又歸罪於叢言不終戍事故殺之恐不為遠近所信故顯書子叢之罪也然魯殺子叢本有兩意謂楚之辭不卒戍謂晉之辭者以魯先與楚同好恐楚謂楚之辭不卒戍之罪以告屬楚諸侯心實畏晉未敢宣露故經不書告晉之辭蘇云公子買不卒戍者告晉楚之辭也謂晉云公子買比來戍衛今不使終其戍事是以殺之謂楚云比令公子買戍衛其買不終戍事是以殺之

三月丙午晉侯入曹執曹伯昇宋人晉昇與也執諸侯

當以歸京師晉欲怒楚使戰故以與宋所謂譎而不

正○昇必利反註晉昇與也○正義曰劉炫云公

宋人何與使聽之何休云宋稱人者明聽訟必師斷與其師衆共之穀梁傳曰昇與也其曰人何也不以

晉侯昇宋公也註云昇上與下之辭故不以侯昇公按傳執曹伯分曹衛之田以昇宋人則田亦稱人非為斷獄故稱人也若不使晉侯與宋公自可改其昇名何以名之為昇而使義不得與也若與宋人豈宋國卑賤之人得獨受曹伯而治之乎二傳之言皆不得合左氏當以人為衆辭舉國而稱之耳

夏四月己巳晉侯齊師宋師秦師及楚人戰于城濮楚

師敗績國宋公齊國歸父秦小子憇既次城濮以師

屬晉不與戰也子玉及陳蔡之師不書楚人恥敗告

文畧也大崩曰敗績○濮音卜憇魚國宋公至敗

於例將卑師衆稱師此齊宋秦皆文稱師則將非尊者傳云宋公齊國歸父秦小子憇次于城濮及其交戰唯言晉師陳于莘比說晉之將帥與楚相敵都不言齊宋公卿知其既次城濮以師屬晉不與戰也沈



衛侯出奔楚

罪之

楚殺其大夫得臣

註

子玉違其君命以取敗稱君以殺

氏云定四年戰于柏舉傳稱蔡侯吳子唐侯伐楚杜云唐侯不書兵屬於吳蔡今宋齊秦屬晉而書之者彼柏舉之戰唐師并屬吳蔡與之同陳故不書此齊宋師等雖屬晉猶異陳故得書之傳稱子玉及陳蔡之師皆在於陳而不書者楚人恥敗告辭畧故史不得書之劉炫規過以為晉人告畧今知不然者但於此戰時魯猶屬楚凡禍福相告必同好之國故知楚人來告也楚人來告不言陳蔡者恥其諸國皆在不能敵晉故畧言楚人而已若其晉告則應矜其勝事以少敗多何肯畧其陳蔡而不告也劉以為晉人來告而規杜氏非也

五月癸丑公會晉侯齊侯宋公蔡侯鄭伯衛子莒子盟

于踐土

註 踐土鄭地王子虎臨盟不同軟故不書衛

侯出奔其弟叔武攝位受盟非王命所加從未成君之禮故稱子而序鄭伯之下經書癸丑月十八日也

傳書癸亥月二十八日經傳必有誤○踐以淺反土如字或一音柱

軟所洽反○註 踐土至有誤○正義曰傳稱王子虎本又作啍○註 盟諸侯于王庭而不書子虎知子虎臨盟不與軟定四年傳稱踐土之盟其載書云王若曰晉重魯申衛武蔡甲午鄭捷齊濬宋王臣莒期其次與會不同者會之班次以國大小為序及其盟也王臣臨之異姓為後故載書之次與會異也定四年召陵之會傳稱祝佗言於襄弘曰踐土之盟衛成公不在夷叔其母弟也猶先蔡襄弘說告劉子乃長衛侯



為

春秋正義 卷之六  
於盟如彼傳文則踐土召陵二盟衛皆先蔡而經書諸國之序二會皆蔡在衛先者釋例曰周之宗盟異姓為後故踐土載書齊宋雖大降於鄭衛斥周而言止謂王官之宰臨盟者也其餘雜盟未必皆然踐土召陵二會蔡在衛上特國次之至盟乃正其高下者敬恭明神本其始也是言盟會異次之意也如釋例之言王官之宰臨盟乃以異姓為後則二十九年翟泉之盟王子虎在焉宣七年黑壤之盟王叔桓公臨之彼二盟亦當異姓為後與會異次也八年洮之盟王人在列杜指王官之宰則卑者未必能別同姓異姓若無王官之伯則以大小無序襄二十七年宋之盟晉楚爭先是其餘雜盟不先同姓之文也周禮典命云諸侯之適子誓於天子攝其君則下其君一等未誓則以皮帛繼子男叔武是衛侯之弟未得從世子之法攝位受盟舊無正禮其班位高下出於主會之意以其非王命所加使從未成君之禮故稱子而序於鄭伯之下蓋晉文之意使然

陳侯如會

無傳陳本與楚楚敗懼而屬晉來不及盟故曰如會陳侯如會○正義曰沈氏云八年鄭伯乞盟此則不及其盟又陳侯不乞故與彼文與

公朝于王所

無傳王在踐土非京師故曰王所在至王所○正義曰穀梁傳曰朝不言所言所者非其所也是其由非京師故稱王所也公羊傳曰曷為不言公如京師天子在是也曷為不言天子在是與致天子也其意言晉文公召王來踐土左傳於此無召王之事直云作王宮于踐土杜云襄王聞戰勝自往勞之故為作宮則以王意自往非晉召之不同公羊說也

六月衛侯鄭自楚復歸于衛

復其位曰復歸晉人感



叔武之賢而復衛侯衛侯之入由于叔武故以國逆為文例在成十八年衛元咺出奔晉元咺衛大夫

雖為叔武訟訴失君臣之節故無賢文奔例在宣十

年○咺兄晚反為于偽反下為元咺至十年○其同訴本又作愬蘇路反正義曰宣十年齊

崔氏出奔衛傳曰書曰崔氏非其罪也文八年宋司

城來奔傳言司城效節於府人而出故書以官貴之也然書官及氏為貴則書名不是賢文以元咺訴君

於晉所訴雖直今君陷罪失君臣之節故無賢文書其名從本文也

陳侯款卒無傳凡四同盟款以十三年即位十五年盟于杜丘十九年于齊二十一年于薄

二十七年于宋魯陳俱在是四同盟也

令

秋杞伯姬來無傳莊公女歸寧曰來公子遂如齊無傳聘也

冬公會晉侯齊侯宋公蔡侯鄭伯陳子莒子邾人秦人

于溫陳共公稱子先君未葬例在九年宋襄公稱

子自在本班陳共公稱子降在鄭下陳懷公稱子而

在鄭上傳無義例蓋主會所次非褒貶也○共音恭

稱子知其先君未葬也宋襄稱子九年葬丘會也

陳共公稱子此會也陳懷公稱子定四年召陵會也

其班次上下傳無義例故疑主會所次非褒貶也桓

十六年公會宋公衛侯陳侯蔡侯伐鄭杜云蔡常在

衛上今序陳下蓋後至二十九年翟泉之盟秦人在



陳蔡之下傳歷序諸侯之卿而有秦小子憇杜云秦小子憇在蔡下者若宋向戌之後會彼二事班失其次杜以後至釋之知此陳共公稱子降在鄭下非後至者杜以後至為說亦無明文正以國之大小班序先定今乃退在小國之下因向戌有後至之譏故取以為說耳未成君者例無定式不知所由故言蓋為疑辭疑主會之意亦未必不由後至而降之禮雜記云君薨太子號稱子待猶君也然則待之如君在本班者為得禮也降其班者出自主會之意

天王狩于河陽

**註**晉地今河內有河陽縣晉實召王為其辭逆而意順故經以王狩為辭

狩本又作守音同壬申公

朝于王所

**註**壬申十月十日有日而無月史闕文

晉人執衛侯歸之于京師

**註**稱人以執罪及民也例在

成十五年諸侯不得相治故歸之京師

**疏**晉人至京師正義

曰成十五年晉侯執曹伯歸于京師彼不言之此言之者公羊傳曰歸之于者罪已定矣歸于者罪未定也左氏無此義衛元咺自晉復歸于衛

**註**元咺與衛侯訟得勝而歸從國逆例者明衛侯無道於民國人與元咺

諸侯遂圍許

**註**會溫諸侯也許比再會不至故因會共

伐之

比如字王俾利反

曹伯襄復歸于曹

**註**晉感侯孺之言

而復曹伯故從國逆例

孺乃侯反

**註**晉感侯孺之言

以請此曹伯從國逆之例成十六年曹人再請於晉乃釋成公而云曹伯歸自京師從外納之文者彼國



人請君自是恒事此侯孺貨筮史致其誠心晉侯遂感其言而特釋之所以顯侯孺故從國逆例也

會諸侯圍許言遂得復而行不歸國也

傳二十八年春晉侯將伐曹假道于衛曹在衛東

故衛人弗許還自南河濟從汲郡南渡出衛南而

東音急侵曹伐衛正月戊申取五鹿五鹿衛地二

月晉卻縠卒原軫將中軍胥臣佐下軍上德也先

軫以下軍佐超將中軍故曰上德胥臣司空季子將

子匡反註同晉侯齊侯盟于斂孟斂孟衛地徐音

兼又力檢衛侯請盟晉人弗許衛侯欲與楚國人不

思

詐

欲故出其君以說于晉衛侯出居于襄牛襄牛衛

地說音悅或如字○公子買戍衛晉伐衛衛楚之昏姻

魯欲與楚故戍衛楚人救衛不克公懼於晉殺子叢

以說焉音悅謂楚人曰不

卒戍也謂告楚人言子叢不終戍事而歸故殺之

殺子叢在楚救衛下經在上者救衛赴晚至○晉侯

圍曹門焉多死磔張攻曹城門曹人尸諸城上磔晉

死人於城上宅反晉侯患之聽輿人之謀曰稱舍

於墓輿衆也舍墓為將發冢○輿音餘為如與



定

春秋疏

卷之六

沈古閣

至於墓。正義曰：此謀字或作誦，涉下文而誤耳。其云誦者，音韻如詩賦，此稱舍於墓，直是計謀之言，不得為誦。今師遷焉，曹人兇懼，遷至曹人墓，兇兇恐先本作謀。

懼聲。兇，凶勇反。為其所得者棺而出之，因其兇也。

而攻之。三月丙午，入曹，數之以其不用僖負羈而乘

軒者三百人也。且曰：獻狀。軒，大夫車，言其無德居

位者多，故責其功狀。棺，古患反。一音官，軒許言反。令無入僖負羈

之宮而免其族，報施也。報，餐璧之施。施，始鼓反。註同，餐音孫。

魏犇顛頡，怒曰：勞之不圖，報於何有。二子各有從

亡之勞。頡，胡詒反。勞之至何有。正義曰：二十

從才用反

有從行之勞未得厚賞故言

勞苦之大，不嘗圖謀其報，此小惠。魏僖負羈氏，於何有義，恨公忘已而念彼也。魏僖負羈氏，

燒也。魏犇傷於胸，公欲殺之而愛其材。魏犇，

力使問且視之，病將殺之。魏犇束胸，見使者曰：以君

之靈，不有寧也。言不以病故自安寧。見賢遍反，使所史反。

距躍三百，曲踊三百。距躍，超越也。曲踊，跳踊也。百

猶勵也。距，音巨，躍，羊畧反。三如字，又息暫反。百，音陌，下放此跳，徒彫反。勵，音邁，躍，至

上之名，禮記：婦人踊不絕地，則踊亦向上之名。詩云：踊躍用兵，則踊躍二事，勢相類也。說文云：躍，退也。踊

跳也。然則躍以疾生，名故以距躍為超越，言距地向

前跳而越物過也。曲踊，以曲為言，則謂向上跳而折

春秋疏

卷之六 二十五

及古閣

迅



之人而再言三百不可為六百跳也杜言百猶勵亦不知勵何所謂蓋復訓勵為勉言每跳皆勉力為之乃舍之殺顛頡以徇于師立舟之僑以為戎右

之僑故號臣閔二年奔晉以代魏犢為先歸張本舍

如字又音捨下同徇似俊反宋人使門尹般如晉師告急

般宋大夫音班般公曰宋人告急舍之則絕與晉絕

告楚不許我欲戰矣齊秦未可若之何未肯戰先

軫曰使宋舍我而賂齊秦求救於齊秦藉之

告楚報借齊秦使為宋請也藉在亦反借也為十偽反我執曹

君而分曹衛之田以賜宋人楚愛曹衛必不許也

不許齊秦之請喜賂怒頑能無戰乎言齊秦喜得

宋賂而怒楚之頑必自戰也不可告請故曰頑公說

執曹伯分曹衛之田以畀宋人楚子入居于申申

在方城內故曰入畀必利反使申叔去穀二十六

年申叔戌穀使子玉去宋曰無從晉師晉侯在外十

九年矣而果得晉國晉侯生十七年而亡亡十九

年而反凡二十六年至此四十矣險阻艱難備嘗之

矣民之情偽盡知之矣天假之年獻公之子九人

唯文公在故曰天假之年而除其害除惠懷呂卻



天之所置其可廢乎軍志曰允當則歸無求過分

軍志兵書○當丁浪反又曰知難而退又曰有德不

可敵此三志者晉之謂矣謂今與晉遇當用此三

志軍志至謂矣○正義曰允當則歸謂信當分理

則須歸還無求過分決戰取勝也知難而退謂

知前敵之難則須退辟也有德不可敵謂必知敵疆

不須與競也此三志者與晉相遇之謂矣劉炫云此

志三云者情有淺深允當則歸謂彼雖可勝得當則

還言前人弱於已也知難而退謂勝不可必早自退

斂言前人與已敵也有德不可敵謂必知彼疆不須

與競言前人疆於已也三者從弱至疆總言晉之謂

矣指言晉子玉使伯勞請戰伯勞子越椒也鬬伯

疆於已也比之孫勞扶云反曰非敢必有功也願以間執讒

隱之口間執猶塞也讒隱若為賈之言謂子玉不

能以三百乘入○間間廁之間註同王怒少與之師

唯西廣東宮與若敖之六卒實從之楚子還甲遣

此兵以就前圍宋之衆楚有左右廣又太子有宮甲

分取以給之若敖楚武王之祖父葬若敖者子玉之

祖也六卒子玉宗人之兵六百人言不悉師以益之

○廣古曠反註同二年傳樂武子說楚事云其君

卒子忽反註同也周禮車僕掌戎路之萃廣車之萃鄭玄云廣車橫

陳之車襄十一年鄭人賂晉侯以廣車蓋兵車之名

名之為廣因即以車表兵謂屬西廣之兵也文元年

及古

勞  
註釋同



竟

春秋

卷之十一

沈氏

商臣以宮甲圍成王是東宮兵也周禮司馬凡制軍百人為卒知六卒六百人也子玉使宛

春告於晉師曰請復衛侯而封曹臣亦釋宋之圍

衛侯未出竟曹伯見執在宋已失位故言復衛封曹

○宛於元反又於阮反音境子犯曰子玉無禮哉君取一臣取二

君取一以釋宋圍惠晉侯臣取二復曹衛為已功

不可失矣言可伐先軫曰子與之

先軫曰子與之○正義曰以子犯言為無理故先言子與之欲令子犯與子玉復衛封曹既言此以答子犯然後復言其不可之理更別為之立計使私許復曹衛以攜之定人之謂禮楚一言而定三國

我而言而亡之我則無禮何以戰乎不許楚言是棄

宋也救而棄之謂諸侯何

言將為諸侯所怪楚有三施我有三怨怨讎已多將何以戰不如私許復曹

衛以攜之

私許二國使告絕于楚而後復之攜離也○施始也○或反執宛春以怒楚既戰而後圖之

須勝負決乃定計公說乃拘宛春於衛且私許復曹衛曹衛

告絕於楚子玉怒從晉師晉師退軍吏曰以君辟臣

辱也且楚師老矣何故退子犯曰師直為壯曲為老

豈在久矣微楚之惠不及此

重耳過楚楚成王有

贈送之惠○說音悅拘音俱過古禾反退三舍辟之

所以報也

及古聞

水火

卷之十一

沈氏

乎



空苦

春秋

卷之六

十一

一舍三十里初楚子云若反國何以報我故以退三舍為報背惠食言

**食言** 背惠食言。正義曰釋詁云食言也。哀二十五年傳孟武伯惡都重曰何肥也。公曰是食言多矣。能無肥乎。然則食言者言而不行如食之消散後終不行則前言為偽通謂偽言為食言故爾雅訓食以亢其讎。亢猶當也。讎謂楚也。背音為偽也。

**我曲楚直其眾素飽不可謂老** 直氣盈飽。若浪反。我曲楚直其眾素飽不可謂老。直氣盈飽。將何求若其不還君退臣犯曲在彼矣退三舍楚眾欲止子玉不可夏四月戊辰晉侯宋公齊國歸父崔

子慙秦穆公子也城濮衛地。表反。楚師背鄆而舍。鄆丘陵險阻名。主反。鄆曰兵法右背山陵前左水澤楚師背鄆而舍知其背丘陵也。蓋所舍之處有丘陵名鄆其處有險阻也。晉侯患之聽輿人之誦恐眾畏險故聽其歌誦曰原田每每舍其舊而新是謀。高平曰原喻晉君美盛若原田之草每每然可以謀立新功不足念舊惠。反又梅對反舍音捨。公疑焉。疑眾謂已背舊謀新子犯曰戰也戰而捷必得諸侯若其不捷表裏山河必無害也。晉

軍

穆

天秦小子慙次于城濮。國歸父崔天齊大夫也小

子慙秦穆公子也城濮衛地。表反。楚師背鄆而舍

**鄆** 丘陵險阻名。主反。鄆曰兵法右背山陵前

左水澤楚師背鄆而舍知其背丘陵也。蓋所舍之處有丘陵名鄆其處有險阻也。晉侯患之

聽輿人之誦恐眾畏險故聽其歌誦曰原田每每

舍其舊而新是謀。高平曰原喻晉君美盛若原田

之草每每然可以謀立新功不足念舊惠。反又梅對

反舍音捨。公疑焉。疑眾謂已背舊謀新子犯曰戰也戰

而捷必得諸侯若其不捷表裏山河必無害也。晉

春秋

卷之六 二十九

及古



國外河而內山公曰若楚惠何樂貞子曰漢陽諸姬楚實盡之貞子樂枝也水非曰陽姬姓之國在漢

北者楚盡滅之思小惠而忘大恥不如戰也晉侯夢

與楚子搏搏手搏音博楚子伏已而盥其腦盥盥也

噫也。盥音古腦乃老反噫子。答反又所答反又子甲反。正訓蓋相傳為然服虔云如俗語相罵云噫女腦矣。

是以懼子犯曰吉我得天

楚伏其罪吾且柔之矣晉侯上向故得天楚子下

向地故伏其罪腦所以柔物子犯審見事宜故權言

以答夢許亮反下同子玉使鬬勃請戰鬬勃楚大

夫曰請與君之士戲君馮軾而觀之得臣與寓目焉

寓寄也。馮皮冰反軾音式與音預寓音遇晉侯使樂枝對曰寡君

聞命矣楚君之惠未之敢忘是以此為大夫退其

敢當君乎既不獲命矣不獲止命為于敢煩大

夫謂二三子煩鬬勃令戒敕子玉子西之屬

戒爾車乘敬爾君事詰朝將見詰朝平旦繩證

反下及註皆同詰起吉反朝如字註同見如字又賢遍反晉車七百乘韞鞞鞅鞞

五萬二千五百人在背曰韞在胸曰鞞在腹曰鞅

在後曰鞞言駕乘修備韞許見反王又去見反說文作鞞云著掖皮鞞以刃反



說文云軸也鞅於杖反說文云頸也五萬至修備  
 皮也鞅音半一云繫也背如字也此註與說文不  
 同蓋以時驗而為解也騶馬挽車有皮在背者有約  
 胸者有在腹為帶者有繫絆其足者從馬上而下  
 之在後正謂在足是也傳唯舉四事文無所結舉其  
 小事皆具言其駕乘修備明諸事皆備也

晉侯登有莘之虛以觀師曰少  
 長有禮其可用也有莘故國名少長猶言大小

師陳于莘北胥臣以下軍之佐當陳蔡子玉以若敖  
 之六卒將中軍曰今日必無晉矣子西將左子上將

木以益攻戰之具輿曳柴亦是也攻如字又音貢已已晉

右子西鬪宜申子上鬪勃陳于直觀反卒子忽  
 反下同將子匠反下及

同註胥臣蒙馬以虎皮先犯陳蔡陳蔡奔楚右師潰

陳蔡屬楚右師潰戶內反狐毛設二旆而退之旆大

旗也又建二旆而退使若大將稍卻旆薄貝反欒枝使

輿曳柴而偽遁曳柴起塵詐為眾走楚師

馳之原軫卻溱以中軍公族橫擊之公族公所率

之軍狐毛狐偃以上軍夾攻子西楚左師潰楚師敗

績子玉收其卒而止故不敗三軍唯中軍完是大

崩夾古洽反又音頰晉師三日館穀館舍也食楚軍穀三



日及癸酉而還甲午至于衡雍作王宮于踐土

雍鄭地今熒陽卷縣襄王聞晉戰勝自往勞之故為

作宮勞力報反故為于偽反下文同鄉役之三月

鄉猶屬也城濮役之前三月鄭伯如

楚致其師為楚師既敗而懼

國之師許以佐楚也戰時雖無鄭師要本心佐楚故既敗而懼使子人九行成于晉

子人氏九名偽反

來盟傳稱子人來盟杜云子人即弟語也其後為子

命今子人九必是語之後也杜譜以九為雜人謬矣晉欒枝入盟鄭伯五月丙

午晉侯及鄭伯盟于衡雍

侯盟于斂孟皆不書者皆不告也丁未獻楚俘于王駟介百乘徒兵

千駟駟介四馬被甲徒兵步卒

鄭伯傳王用平禮也

仇之禮享晉侯已酉王享醴命晉侯侑

饗又命晉侯助以束帛以將厚意王命尹氏及王子

虎內史叔興父策命晉侯為侯伯

為伯也周禮九命作伯尹氏王子虎皆王卿士也叔

興父大夫也三官命之以寵晉



文公初立襄王使太宰文公及內史叔興賜文公命  
 註國語者皆以為大宰文公即王子虎也今尹氏又  
 在王子虎之上故以為皆卿士唯叔興是大夫或云  
 皆大夫皆字妄耳九命者大宗伯云一命受職再命  
 受服三命受位四命受器五命賜則六命賜之大輅之  
 命賜官七命賜國八命作牧九命作伯

**服戎輅之服** **大輅金輅戎輅戎車二輅各有服**  
 輅○  
 音○**輅**大輅至有服○正義曰周禮中車金路鉤樊  
 路○**輅**九就建大旂以賓同姓以封革路龍條纓  
 五就建大白以即戎金路以封同姓知大輅是金輅  
 也革路以即戎言戎輅戎車即周禮之革路二輅各  
 有服者周禮司服侯伯之服自鷩冕而下凡兵事革  
 弁服金輅祭祀所乘其大輅之服當謂鷩冕之服戎  
 輅之服當謂韋弁服也

**彤弓一彤矢百菽弓矢千**  
 形赤弓菽  
 黑弓弓一矢百則矢千弓十矣諸侯賜弓矢然後專

新授

**征伐** ○形徒冬反菽音盧本或作旅字非也矢  
 千本或作菽弓十菽矢千後人專輒加也

赤至征伐○正義曰彤赤菽黑舊說皆然說文彤從  
 丹菽從玄是赤黑之別也周禮司弓矢掌六弓王弓  
 弧弓以服射甲革樞質者夾弓庾弓以授射豺侯鳥  
 獸者唐弓大弓以授學射者使者勞者鄭玄云勞者  
 勤勞王事若晉文侯文公受王弓矢之賜者考工記  
 弓人云往體多來體寡謂之夾庾之屬往體寡來體  
 多謂之王弓之屬往體來體若一謂之唐弓之屬然  
 則唐大是弓疆弱之名彤菽是弓所漆之色王弧則  
 合九而成規唐大合七而成規夾庾合五而成規司  
 弓矢又有八矢枉矢絜矢利火射用諸守城車戰殺  
 矢鏃矢用諸近射田獵贈矢弗矢用諸弋射怕矢庠  
 矢用諸散射鄭註約考工記云枉矢之屬五分二在  
 前三在後殺矢之屬三分一在前二在後贈矢之屬  
 七分三在前四在後怕矢之屬軒輅中其枉殺贈怕  
 弓所用絜鏃弗庠弩所用彼司弓矢既云枉矢絜矢  
 用諸守城車戰此天子賜諸侯弓矢使用之以戰則



形矢旅矢當彼枉矢也但弓矢相配彊弓用重矢弱  
 弓用輕矢既唐弓大弓彊弱中其恒矢軒輶亦中又  
 司弓矢云恒矢庠矢用諸散射鄭玄云散射謂禮射  
 及習射也此賜弓矢則禮樂之事形矢旅矢或當恒  
 矢也旅弓矢千具於形而畧於旅準之則矢  
 千弓十也諸侯賜弓矢然後專征伐王制文  
**尙** 秬黑黍鬯香酒所以降神尙器名○秬音巨鬯  
 西又音由爾雅**秬**秬黑至器名○正義曰秬黑黍  
 云尙中尊也釋草云李巡云黑黍一名秬黍周  
 禮鬯人掌共秬鬯而飾之鄭玄云鬯釀秬為酒芬香  
 條暢於上下也鬯人掌裸器凡祭祀之裸事和鬯鬯  
 以實彝而陳之禮祭祀必先裸是用之以降神也釋  
 器云彝尙鬯器也李巡曰尙鬯之罇也孫炎曰罇彝  
 為上罇為下尙居中也詩江漢篇述宣王賜召穆公  
 云秬鬯一卣告于文人鄭箋云賜之使祭其宗廟告  
 其先祖也當賜之時實之於彝也  
**虎賁三百人** 虎賁三百人○止義曰  
 於尙其祭則陳之於彝也

國語云天子有虎賁習武訓諸侯有旅賁禦災害大  
 夫有貳車備承事士有陪乘告奔走周禮司馬之屬  
 虎賁氏下大夫二人虎士八百人掌先後王  
 而趨以卒伍軍旅會同亦如之舍則守王閑曰王謂  
**叔父敬服王命以綏四國** 糾逃王慝 逃遠也有惡  
 於王者糾而遠之○賁音奔逃救歷之○逃遠至遠  
 逃遠釋詁文糾者繩治之名有惡於王者當繩治之而使遠於王也  
**晉侯三辭從命曰**  
**重耳敢再拜稽首奉揚天子之丕顯休命** 稽首首  
 至地丕大也休美也○三息暫反又如字從例放受  
**策以出出入三覲** 出入相去來也從來至去凡三  
 見王○見賢通反  
 ○衛侯聞楚師敗懼出奔楚遂適陳



自襄牛出使元咺奉叔武以受盟○奉使攝君事

攝君事竝如字或讀連上奉字為句使音所吏反非也癸亥王子虎盟諸侯于

王庭○別彼要言

曰皆獎王室無相害也有渝此盟明神殛之俾隊其

師無克祚國○獎助也渝變也殛誅也俾使也隊隕

也克能也○獎將丈反渝羊朱反殛紀力反本亦作極下是殛同俾本亦作卑必爾反隊直類

反祚才故反隕于敏反助之意故為助也餘皆釋言文註

及其玄孫無有老幼君子謂是盟也信○合義信謂

晉於是役也能以德攻○以文德教民而後用之攻

其一作而

如字一音初楚子玉自為瓊弁玉纓未之服也○瓊弁

以鹿子皮為之瓊玉之別名次之以飾弁及纓詩云

會弁如星○瓊求營反說文云赤玉弁本又作珣皮彥反會本又作瓊古外反又戶外反

○瓊弁以至如星正義曰禮稱皮弁明其用皮也知

以鹿子皮者相傳為然至今仍用之詩毛傳云瓊玉

之美者則瓊亦玉也選美者飾弁以惡者飾纓耳周

禮弁師掌王之皮弁會五采玉璫鄭玄云會縫中也

璫讀如綦綦結也皮弁之縫中每貫結五采玉以為

飾謂之綦又諸侯及孤卿大夫之皮弁各以其等為

之鄭玄云孤則璫飾四三命之卿璫飾三再命之太

夫璫飾二是諸侯之臣其皮弁得以玉為飾也弁師

又云王五采諸侯三采鄭玄云王璫飾十二上公九

諸侯伯七子男五卿大夫皆二采璫飾各如其命數

鄭又云三采朱白蒼二采朱綠其纓之飾則無以言

之蓋以玉飾纓之末耳詩云會弁如星衛風淇澳篇



也鄭箋云會謂弁之縫中飾先戰夢河神謂已日界

之以玉燦燦而處狀似星也

**余賜女孟諸之麋**孟諸宋藪澤水草之交曰麋

○先如字又悉薦反界必利反與

也女音汝麋亡皮反藪素口反

○正義曰釋地禮職方氏正東曰青州其澤藪曰望諸禹貢豫州導

荷澤被孟豬明皆是一物而字改易耳釋水云水草

交為涓李巡曰水中有草木交會曰涓古字皆得通

川故此**弗致也**大心與子西使榮黃諫

作麋耳大心子玉之子子西子玉之族子玉剛復故因榮黃榮黃榮季

也○復皮通反**弗聽榮季曰死而利國猶或為之况瓊玉**

**乎是糞土也而可以濟師將何愛焉**因神之欲以

附百姓之願濟師之理○糞弗問反因神至之理

○正義曰劉炫云神道冥昧與人不交楚師之敗未必由此但於時戰在

河旁河神許助若子玉從神所求不惜瓊玉則國人

以為神得所欲必將助已自當三軍用命戰士爭先

亦既不遂神心人謂神必不助則眾意皆阻莫不畏

敵且兵凶戰危必有傷殺三軍之命在茲一舉猶尚

愛惜此物是無恤民之心在軍之士誰肯競勸故云

因神之欲以附百姓之願是濟師之理也裨竈請用

瓊竿禳火非神所求若從而與之則驚動民意且災

子產不與異於此也**弗聽出告二子曰非神敗令尹**

**令尹其不勤民實自敗也**盡心盡力無所愛惜為

勤盡並○津忍反**既敗王使謂之曰大夫若入其若申息之**

**老何**申息二邑子弟皆從子玉而死言何以見其

昏火流



父老。○從如字子西孫伯曰得臣將死二臣止之曰

君其將以為戮。○孫伯即大心子王子也二子以此

答王使言欲令子玉往就君戮。○使所吏反下前及

連穀而死。○至連穀王無赦命故自殺也文十年傳

曰城濮之役王使止子玉曰無死不及子西亦自殺

縊而縣絕故得不死王特別遣追前使連穀楚地殺

得臣經在踐土盟上傳在下者說晉事畢而次及楚

屬文之宜。○穀胡木反縊一賜反又晉侯聞之而後

喜可知也。○喜見於顏色曰莫余毒也已。薦

呂臣實為令尹奉已而已不在民矣。○言其自守無

大志。○或訴元咺於衛侯曰立叔武矣其子角從公

公使殺之。○角元咺子咺不廢命奉夷叔

以入守。○夷諡六月

晉人復衛侯。○以叔武受盟於踐土故聽衛侯歸

甯武子與衛人盟于宛濮。○武子甯俞也陳畱

禍衛國君臣不協以及此憂也。○衛侯欲與楚國人

不欲故不和也。今天誘其衷。○衷中也

○丁仲反下同



使皆降心以相從也。不有居者，誰守社稷？不有行者，

誰扞牧圉？牛曰牧，馬曰圉。○扞，戶旦反。牧，音木。養牛曰牧，養馬曰圉。不

協之故，用昭乞盟于爾大神，以誘天衷。自今日以往，

既盟之後，行者無係其力，居者無懼其罪。有渝此盟，

以相及也。以惡相及。明神先君是糾，是殛。國人聞

此盟也，而後不貳。傳言叔武之賢，甯俞之忠，衛侯

所以書復歸，衛侯先期入。不信叔武。○先，悉。甯子

先長，祥守門，以為使也。與之乘而入。長，祥，衛大夫。

甯子患公之欲速，故先入，欲安喻國人。○祥，子郎反。使，所吏反。

公子歆犬華仲前驅。衛侯遂驅，掩甯子未備。二子

衛大夫。○歆，市專反。華，戶化反。又如字。叔武將沐，聞公至，喜捉髮走

出前驅射而殺之。公知其無罪也，枕之股而哭之。

公以叔武尸枕其股。○射，食亦反。下註同。枕，支鳩反。註同。歆犬走出。

手射叔武，故公使殺之。元咺出奔晉。元咺以衛侯

驅入殺叔武，故至晉愬之。○城濮之戰，晉中軍風于

澤。牛馬因風而走，皆失之。○義曰：劉炫規過為以

然，放牛於澤，遺失大旆，左旃不失，牛馬今剛定，知不

臣妾通逃，則有常刑。今既亡左旃，又失牛馬為罪，至



重故殺之以徇若牛馬不失又大旃在軍何得因放  
牛馬而亡左旃故知風于澤者為別失牛馬又於軍  
中亡失大旃之左旃故杜云掌此二事而亡大旃之  
不修理劉以為不失牛馬而規杜過非也

**左旃** 大旃旗名繫旒曰旃通帛曰旃 爾雅云因章

日旃尋曰旃繼旒曰旃則旃是旗之尾也今別名大

旃則此旃有異於常故以大旃為旗名上云狐毛設

二旃而退之亦此類也通帛為旗周禮司常文也鄭

玄云通帛謂大赤從周正色無節釋天云因章曰旃

孫炎曰因其緇色以為旗章不畫之是也謂之左旃

蓋是左軍所建者此亦 **祁瞞奸命** 掌此三事而不

於事難明不可強說

修為奸軍令 瞞莫干 **司馬殺之以徇于諸侯使茅**

反奸音干

**棧代之師還壬午濟河舟之僑先歸士會攝右** **權**

代舟之僑也士會隨武子士蔦之孫 僑其驕反 **秋**

**七月丙申振旅愷以入于晉** **愷** 愷樂也 愷開在

愷樂也 正義曰大司馬云若師有功則左執律

右秉鉞以先愷樂獻于社註云律所以聽軍聲鉞所

以為將威兵樂曰愷司馬註 **獻俘授馘飲至大賞**

日得意則愷樂愷歌示喜也

**授數也** 獻楚俘於廟 數色主反 **徵會討貳** **徵** 徵召

諸侯將冬會于溫 **殺舟之僑以徇于國民於是** **大服**

**君子謂文公其能刑矣** **三罪而民服** **三罪顛頡祁**

**瞞舟之僑** **詩云惠此中國以綏四方不失賞刑之謂**

**也** **詩大雅言賞刑不失則中國受惠四方安靖** **也**

也 詩大雅言賞刑不失則中國受惠四方安靖 **也**

也 詩大雅言賞刑不失則中國受惠四方安靖 **也**

也 詩大雅言賞刑不失則中國受惠四方安靖 **也**

也 詩大雅言賞刑不失則中國受惠四方安靖 **也**



褻

冬會于溫討不服也。討衛許衛侯與元咺訟。爭殺叔武事甯武子為輔。鍼莊子為坐。士榮為大士。大士治獄官也。周禮命夫命婦不躬坐獄訟。元咺又不宜與其君對坐。故使叔鍼莊子為主。又使衛之忠臣及其獄官質正元咺。傳曰王叔之宰與伯與之大夫坐獄於王庭。各不身親。蓋今長吏有罪先驗吏卒之義。鍼其廉反坐如字或一音。大士至之義。才臥反長丁丈反卒子忽反。正義曰周禮獄官多以士為名。鄭玄云士察也。主察獄訟之事者。周禮命夫命婦不躬坐獄訟。小司寇職文也。鄭玄云為治獄吏。藁尊者也。躬身也。不身坐必使其屬若子弟也。喪服傳曰命夫者其男子之為大夫者命婦者

別

糜下同

其婦人之為大夫妻者凡斷獄訟皆令競者坐而受其辭。故云不躬坐也。大司寇云以兩造禁民訟。以兩劑禁民獄。鄭玄云訟謂以財貨相告者。獄謂相告以罪名者。對文則小別。散則可以通。獄訟皆爭罪之事也。元咺不宜與君對坐。故使鍼莊子代衛侯為坐。獄之主甯子為輔。輔莊子也。以甯子位高故先言之。士榮亦輔莊子。舉其官名。以其主獄事故亦使輔之。與晉之獄官對理質正元咺也。所引傳曰在襄十年。衛侯不勝。三子辭屈。殺士榮。剛鍼莊子。謂甯俞忠而免之。執衛侯歸之于京師。寘諸深室。深室則為囚室。別音月又五。甯子職納橐。橐焉。甯俞以君在幽隘。故親以衣食為已職。橐衣囊。橐廩也。言其忠至所慮者深。橐音託。橐之然反。監於甯俞至。賣反。囊乃郎反。糜亡皮反。者深。正

水火流

卷之六 四十一

及七



義曰甯俞親以衣食為已職者慮君飢渴且防醜毒也詩毛傳曰小曰橐大曰囊囊橐所以盛衣亦可以盛食宣二年傳曰為之簞食與肉寘諸橐以與之是也釋言曰餽饋也鬻糜也郭璞曰饋糜也孫炎曰鬻淖糜也然則糜之與鬻稠淖之異名耳

公子適也。歷反。適丁。○是會也。晉侯召王以諸侯見且

使王狩。晉侯大合諸侯而欲尊事天子以為名義

自嫌强大不敢朝周。喻王出狩因得盡羣臣之禮皆

譎而不正之事。○見賢。晉侯至之事。○正義曰

之師共尊事天子以為臣之名義實無覬覦之心但於時周室既衰天子微弱忽然帥九國之師將數十萬眾入京師以臨天子似有篡奪之謀恐為天子拒逆或復天子怖懼棄位出奔則晉侯心實盡誠無辭

君

可解故自嫌强大不敢朝王故召諸侯來會于溫溫去京師路近因加諷諭令王就會受朝天子不可以受朝為辭故令假稱出狩若言王自出狩諸侯因會遇王遂共朝王得盡君臣之禮皆孔子所謂譎而不正之事穀梁傳曰全天王之行也為若將狩而遇諸侯之朝也為天王諱也是使王狩之意也公羊以為踐土與此皆是晉侯召王何休云時晉文公年老恐霸功不成故上自天子曰諸侯不可卒致願王居踐上下謂諸侯曰天子在是不可不朝迫使正君臣明王法案溫去京師路無百里晉侯已能致之於溫何故不能致之於洛何休妄造其辭事非晉侯之意故杜氏正之自嫌疆大不敢朝周耳仲尼曰

以臣召君不可以訓故書曰天王狩于河陽言非其地也。使若天王自狩以失地故書河陽實以屬晉

非王狩地。使若至狩地。○正義曰此傳稱仲尼之語即云書曰明是仲尼新意非舊文



春秋疏  
也杜以書曰為仲尼新意亦以此而知之聖人作法  
所以貽訓後世以臣召君不可以為教訓故改正舊  
史舊史當依實而書言晉侯召王且使王狩仲尼書  
曰天王狩于河陽言天子自來狩獵于河陽之地使  
若獵失其地故書之以譏王然釋例曰天子諸侯田  
獵皆於其封內不越國而取諸人河陽實以屬晉非  
王狩所故言非其地且明德也義在隱其召君之闕  
是說改史之意也計天王之狩失地不書因此實非  
王地借之以改舊史若譏王狩然實不譏王也穀梁  
傳曰水北為陽山南為陽溫河陽也會于溫言小諸  
侯以河陽言之大天子也然河陽與溫止是一地天  
子來就諸侯假辭以稱狩耳左氏無此義但會指所  
在之地故言溫狩是田獵之所故廣言其地蘇氏云  
明晉侯之德沒其召君書天子之狩顯其失地便是  
衰諸侯貶天子所以然者此假其失地之文欲明  
王狩所在非實貶也若隱其召君則全沒不書於義  
為可必書天王非地之狩者若全沒其文無以明  
晉侯尊崇天子之德故書天子出狩諸侯往朝且

改危

明德也國隱其召君之闕欲以明晉之功德河陽之  
狩趙盾之弑泄冶之罪皆違凡變例以起大義危疑  
之理故特稱仲尼以明之也○弑音試泄息例反治音  
九委國隱其至明之也○正義曰晉侯所以召王志  
反國在尊崇天子故解舊史隱其召君之闕以明  
晉侯之功德功德謂尊事天子是也丘明為傳所以  
寫仲尼之意凡所改易皆是仲尼而於河陽之狩趙  
盾之弑泄冶之罪此三事特稱仲尼曰者史策所書  
皆書實事晉侯召王使狩而作自狩之文是言不實  
也凡例弑君稱君無道靈公不君而稱臣以弑似  
君無過也大夫無罪見殺不書其名泄冶忠諫而被  
殺書名乃罪合死也此三事皆違凡典變舊例以起  
大義危疑之理恐人不信須聖言以為證故特稱仲  
尼以國壬申公朝于王所國執衛侯經在朝王下傳在  
春秋疏  
卷之六  
四十二  
及古訓



無

春秋

卷之六

十一

上者告執晚

**疏**

壬申公朝于王所。正義曰：傳之上。下例不虛舉經文。此虛舉經者，終上

諸侯見之事。

○

丁丑諸侯圍許

**疏**

十月十五日有日

有月。晉侯有疾。曹伯之豎侯孺貨筮史。豎掌通內

外者。史晉史使曰：以曹為解。

**疏**

以滅曹為解故。戶買

反註同又古買反

齊桓公為會而封異姓

**疏**

封邢衛。今君為

會而滅同姓。曹叔振鐸文之昭也。

**疏**

叔振鐸。曹始封

君。文王之子。

○鐸待洛反

先君唐叔武之穆也。且合諸侯

而滅兄弟。非禮也。與衛偕命。

**疏**

私許復曹衛而不與

偕復。非信也。同罪異罰。非刑也。

**疏**

衛已復故禮以行

圍

今

義信以守禮。刑以正邪。舍此三者。君將若之。何公說

復曹伯。遂會諸侯于許。晉侯作三行以禦狄。荀林父

將中行。屠擊將右行。先蔑將左行。

**疏**

晉置上中下三

軍。合復增置三行。以辟天子六軍之名。三行無佐。疑

大夫帥。

○邪似嗟反。舍音捨。說音悅。行戶郎反。下及註同。將子匪反。屠音徒。擊古狄反。又音計。蔑

亡結反。復扶又反。

春秋

卷之六

十一

十一



